

# Jekabaara



**SNV**  
Connecting People's Capacities

Cikela ceman n'a musoman kunnafonisében

a be bo kalo o kalo

Jamana baarada la BP. 2043 Bamako (Mali)

## CMDT nemaaba Usumani Amiñon Gindo ka fetaw CMDT bilali siratge la kenyereye ka bolo kan

ne 3ni 4nan

### Dantiglikan

Don bee n'a jemukan temesira don, ka da waati la kow cogoya kan. Nin boko in keno, a kafisa n ka n da lase maasibako do ma, min funteni yangalen don maliden cema n'a musoma bee kunna, Mali fan bee fe. N kan be sirabakankasaaraw, u keko juguw, u hake cayaw, an'u ka jama maasibataw danmateme de ma. Sirabakan - kasaara ninnu be waleya cogo min an ka dugu misenw ni njegonesiraw kan, u be waleya o cogo kelen na an ka dugubaw keno sirabaw kan, an'u ka njegonlasorésiraw. Awa, a ka c'a la, maa caman de be bëne u nin na kasaara ninnu senfe. Awa, u be ke sababu ye ka maa caman lojuratoya. Ko si dun sababu nefobali te. O b'a jira ko an ka kan ka sirabakankasaara danmateme in sababu jimi taabolo saba de keno : sirabaw lahala jugu, bolifenbolibagaw ka kufeboli, sirabakanboliw këlsibagaw ka jeyero fabaliya (polisiriw, zandaramuw ...). Ka fara nin kun saba kan, an be a ye fana ko bolifen kufebolibagaw fana si cayara ko jugu, minnu te foyi kalama siraba sariyaw la. (U be sensilambolifew kan cogo min, u be sennoani ma - bolifen fana kan o cogo kelen na). Farati cayara an ka sirabaw kan, ani «n be n sako ke barisa këlsibaga te n da fe !». A waati sera sa, jaman ka sariya gelenw ta siraba sariya sësëbagaw kanma. Sariyako ye fasokanuko de ye. O kanma, jamanaden hörén ladiri, hali n'a te polisiw ni këlsibaga werew ka yefan fe, a be sariya labato ale yere nin lakanani kanma ; mao werew nin lakanani kanma, ani maaw bee ka denbaya këmogow ka nesuma kanma.

Tumani Yalam Sidibe



Koɔrisene lahala Ətuwale keno : Ətuwale maraw ni Kolokani koɔrisenenaw be ka «piriwatizasɔn» laben kojuma.

ne 5ni 8nan

### Afriki ladala-furabolaw təgoladonba

ne 7nan

Afriki yeli “kupudi  
mɔndi” kene kan

ne 10nan

ŋaniya juguya  
ma ji

ne 12nan

"Kalan be mögo son hakili la, nka kunnafoni be mögo bë kunpan na" Yoro Ulen Sidibe

## Jebila : An k'a n yere laben



**Hamidu Konate**

An bε nowanburukalo kənə nin ye. O b'a jira ko caman kera samiñe na : forokənəfen selenw ka ca, awa denmisenw fana ka kalanso sira mineni waleyara fan bεe fe. O ye ladi-liko ye, n b'a fe ka min jəsin dutigiw ma ; gatigiw, fo ka se maa jəmaa werew ma. Jama mara keko juman sababuba də ye jantonyerela ye du makonafenw sabatili jəsigi gibaaraw kənə : k'a dən ko a man kan dutigi ka ke «sinidunbife» məgə ye, n'a t'a fe ka kəngə ni banaw, ani balannako latemebaliw jəsigi a ka gadenw kanma, k'o sababu ke desə ye. An bε don min na i ko bi, dutigi kelen kelen bεe ka kan k'a dən ko, hali n'i ma jə sumanfeere kə senefenw la, o k'a sərə i ye jə walima so kilo 250 dən kərefe

gaden kelen

kelen bεe təgə la san baloko juman kanma, (i n'a fə dunkafa sabati baarabolo y'o hake lapini cogo min). Fen min ye nafolo-jini - senefenw ye : kəori ; daa ; bəne ... , an k'a dən k'olu nafolo labaarako juman de bε du musakaw lateñe nəgəya la gatigi kan : ka bilankərə bila kərefe sinijesigiko la ; ka baarakəlaw ka worosəngə sabati u ye ... Fen min ye du ka lahine sərəfen werew ye, i n'a fə situlu ; dibə ; jiriden nafabə, ani ko werew, olu ka ke u kebagaw fe ani k'u nafa sabati bεe ye. Jamamara keko juman banbannen don jəsen kelenpe de kan : ka kunkow, ni ketaw ani labentaw dən bε kunbə. K'u jəsigi feere sabatilenw kadara kənə. Jəmaa were te teme o tigilamaa kan dere !

**Hamidu Konate  
Jamana baarada jəmaa**

## Məgə lafulenw


Djne bilama kənə,  
Məgə lafulen suguya saba  
De b'u kaman yongo dijenatige  
kənə,  
Faatoya daamudala,  
ka sərə...  
ka sərə dere...  
ka sərə jama t'a kunko lakama !  
Segenbagatə ye məgə lafulen ye ;  
Hami-geləntigi ye məgə lafulen ye  
Faatə kunkelen fana ye məgə  
lafulen ye.  
Aw m'a ye,  
Nin məgə lafulen suguya  
Caya dijenatige kənə bi,  
O de ye dijenatige ke  
Faatoyadugu ye,  
Barisa :  
Bee be min ke  
Bee t'o kun dən.  
Awa,  
Bee be min kun dən ;  
Bee t'o ke !  
Djne tə kərə nin ye dere :  
Dononkərəso bolibaga.  
Fen min be laboli,  
Barika t'o la.  
Fen min b'a laboli,  
Barika t'o la.  
Awa taayərə jənjən t'a la,  
Barisa,  
Wuliyərə banbannen t'a la.

Tumani Talam Sidibe


## Hakilisenekeñe

Aa ! Djne in kənə ka dun dere ! Awa, a sigibaga bεe sinsinnen don kalabanciya de kan. O de kanma, ka sərə məgə bεe hakili la ko tə be i ka dawula n'i ka sərə la, bεe b'a yere jate ko-kunna-məgə ye.  
Aa ! lafulenya ni yerenegen dere !

Tumani Talam Sidibe



# CMDT njemaaba Usumani Amijon Gindo ye an ka nininkaliw jaabi



**Usumani Amijon Gindo**

Alamisadon, san 2006 əkutəbu Arukalotile 19, tile waati 14 nan kənə, Mali kəorisene baarada CMDT njemaaba Usumani Amijon Gindo ye n bisimila jekabaara kalanbagaw lafaamuyako juman kanma, Mali kəorisene taabolo lateməni siratege la kenyereye ka bolo kan. An ni njemaaba Usumani Amijon Gindo ka nininkaliw bolila temesira kunba naani de kan. Nininkali in kera Ncɔ Jara nəna, n'o

ye CMDT njemaa kərəsigi ye kunnafoniko siratege la nininkali in kera CMDT njemaaba la, ka da Jekabaara kunnafonisəben ka la pini de kan, walasa kəorisenew be kunnafoni jənjən sərə CMDT bilaliko la kenyereye ka bolo kan. Awa, an ka njemaa Usumani Amijon Gindo lamən.

## I. CMDT bəna bila kenyereye ka bolo kan.

CMDT bilali kenyereye ka bolo kan, o tun ye ko ye min kewaati boloda fələ kera ka ben san 2005 ma. Nka, walasa a ko ka ke a kunkamma bəe ka wasako ye laben siratege la, peresidan Amadu Tumani Ture ye a bə a dəgəkərə, k'a bila san 2008 la. O waati ka kan k'a sərə Mali jama ; CMDT ; kəorisenew ani kəorisene tigilamaaw bəe ye laben ke k'a ko ma

kənə, bəe ka nafa kanma. Kəorisene te bilako ye an ka jamana kənə yan. Kabi dijə waati bəe, kəorisene be sen kan yan. Awa, cikela jama ba kəmə caman ani foroba-

baarakela maa kəmə yirika caman, ni maa caman wəre ka dijenatige həre sərəsira baju ye kəori de ye Mali kənə yan. O kunkanko fana te se ka kufeko ke. O de kanma Mali jama na kuntigi Amadu Tumani Ture ni Mali goferenama mögə bəe ka baara kelen don a ko kəcogo juman kada-ra kənə.

## II. Laben jumənw dun be senna ?

O laben taabolo fələ ye CMDT marakene yere tilali ye mara naani ye : Kita y'a danmamara ye ; fana ni ətuwale be fara njəgən kan ka ke mara ye ; Sikaso ni Buguni be ta njəgən fe ; Kucala ni san y'a danmamara ye. Awa, nin mara kelen kelen bəe tigiya be latemə kenyereye ma ka ben baara keta wajibiyasəben də de benkan ma, nən kə ma ko «kaye de Sarizi»

Awa, hali «kaye de sarizi» yere fana t'a ko danyərə bəe ye fana ! fə ka dən ko kenyereye min b'a fe k'i bolo məənəbə mara in də rəkelen nəfe, k'o ye kəribaara njədənbaga səbe ye ; k'a ninnako ye kəribaara ka njetaa ye, awa, ko cikəlaw kanu b'a la fana. CMDT bilali kenyereye ka bolo kan, o ye an ka jamana kunkankoba ye. O kanma, a te se ka ke kufeko !

## III. kəori səngəko bolodali be cogo di ?

Tijə don, maa minnu bəna CMDT san, ni cikəlaw yere y'o tigiya jamakulu hake 20% njəgən ye, maaw don minnu be baara k'u ka nafajini kanma. Bi, kəori sugu diya n'a goya, Mali faso jamana kun donnen be səngə bərebənnən dili kərə

**A tə be ne 4 nan kan**



Jekabaara ni CMDT taalan ye njəgən ye, barisa, olu de ye njəgən ta ye !

**je 3 nan tɔ**

kœrisenew ma. Nka, jula bœ baara k'a ka nafa de kanma. Ni kœri sugu diyara, a labennen don ka sœngœ don a la. Nka, ni kœri sugu goyara, a bœ jatemine k'o la de kœri sœngœ dili la ! o de kanma, kœri sœngœ dafa nafolo kesuw sigira sen kan, miliyari fila ni k'o sekiba dira min kanma jamanakuntigi Amadu Tumani Ture fœ, Mali sœnkelaw ka soba nœma Bakari Togola ma, kumantu. O b'a to kœri sœngœ bolodali min kera san nataw kanma sefawari dœrœme 32 ni dœrœme 35 furance la kilo la, o bœ sabati kœri sœngœ dafa nafolo kesuw yere sigikun ye o geleya sugu de kunbenko numan ye.

Fen min ye cikelaw ka laben kunitenna ye halibi, an bœ b'a kalana ko cikelaw ka laben jekulu dan tun ye "Awew" O de ye.

Nka bi, yelemba bœ ka don o kecogo kœro siratge la, ni koperati-

fœ sigili ye sen kan kœriseneduguw kœno. Maraw kœno, o koperatifu fœna bœ je ka ke «fesitiyeri» ye. O ko bœ taa kuncœ federasœnba la jamana kunda. Laben feere bœ kœni tigelen don Mali jamana nœmaaw fœ walasa cikelaw ni CMDT, ani Mali jamana bœ k'u ka nafa sœro Mali kœribaara taabolo bilali kadara kœno kenyereye ka bolo kan.

#### **IV. CMDT ni jekabaara kunnafoniseben**

Jekabaara kunnafoniseben ye CMDT ni jamana baarada ka ko sigilen de ye sen kan kabi san 1986. K'a fœ ko CMDT ni jamana baarada ka ko sigilen de ye sen kan kabi san 1986. Ka fœ ko CMDT y'i sen bœ jekabaarako la; o te tijœ ye. Nka, fen min y'a nafolomugu bœli ye, CMDT y'i kœnbœ o de kœro ka da CMDT yere kœno yelemwœ tœasiraw kan. Nka, fen min ye kunnafoni laseli ye Jekabaara ma cikelaw ka lahala kan, ka se Jekabaara lajensenni n'a

sœbenbagaw demeni ma u ka baara siratge la, an b'o k'a nœma dere !

#### **Ka se kœrisenew ma :**

Dijœ ko o ko, a bœ keko numan de b'a kebaga nafa. CMDT bilali kenyereye ka bolo kan, o man kan ka kœrisenew joore, barisa jama na nœmaaw ye feere bœ tige walasa a k'o bœ ke Mali jamana ni kœrisenew bœ ka nafako ye. O yere de kanma, peresidan "ATT" ka lajini kœno, a bœra san 2005 la, k'a bœla san 2008 la. An bœ k'an laben k'a ko makœnœn, o de la, a b'an bœ nafa.

N ka dugawu bœ cikelaw bœ ye. Ala ka samiœnœ diya, ka sœnfenw kolo girinya ani k'u nafa sankœrœta. Ala ka dunkafa sabati an bœ bara !

Bamananw ka kuma don : Fen bœ bœ nœ sœro kœnœbara falen de kœ dere ! N bœ CMDT kœrisenew ni Mali kœrisenew bœ fo.

**Jininkali kebaga  
Tumani Yalam Sidibe**

## **Ko CMDT bœna labila kenyereyew ye, o ko bœ di ?**

**K**abi san caman bi, ne hakili la, kabi san 2003, kuma kelen in bœ sen na. Awa, anw ka mara kœnyan, Torodo, falajœ, fo jiburula, jisumalen ka don Nagela kœno, Mali kœriko sininama bœ ka bœ miiriyœrœ janya. Awa, ka bœ falajœ fo ka se Buwala, kuma te sojebugu ni Mamribugu ma, a kuma bœ bœ da. O te gansanko ye. Bamananw ko-ko "wulu min ye wara ye, ani min m'a ye olu ka balanako kumbencogo te kelen ye !" Anw bœra ko in kecogo dœ kalama, n'o ye Tigasene baarada labancogo ye. O yelembolow fœna kuma tun bœ fœ k'a ladiya haali. Nka bi, "OACV" te yen be-

len, awa, k'a bœ nalakeya la, tiga t'a sœnebaga si nafa belen a nœma nafako siratge la. Yali Mali kœrisenew fœna ta bœna laban jigilatige de la wa ?

#### **Ala ni SNV ka wulikajœ sababu !**

Ka da SNV ka wulikajœ kan an bœ ka min ye cikelaw kunnafoniko numan na Mali kœribaara taabolo latœmeni siratge la kenyereyew ka bolo kan, an bœ se k'a fœ ko Alataanuko dere ! Ni kœrisenew bœ kunnafoni ka t'a fœ kœrisenœ yelembolow kura kan, o b'a to ko foyi tena bala u la, barisa u bœ bœ ko bœ kalama. Mœgœ dœn bœ ko min bœ taafan kalama, i te to kun-

pan na o ko si la dere !

#### **Kamanaganko dere !**

Ko Mali ye sœnke jamana ye. Nka, sœnœ taabolo si te yen min sanga wulili n'a silatumuni te fœ nœgœn kœ sira telin fœ. O bœ mœgœ kamanagan. An ka Ala deli kœrisenœ fœna kana silatumu don dœ an bara yan, k'o sababu ke cakeda kœnœkœ bayelemakœ jugu ye. Ni CMDT bœra Mali jamana ka bolo kan, ka bœla kenyereye ka bolo kan, n'o ma ke hakilisigi kœno, ani fasokanunciya, o fen burunnen bœ tena ye dere !

**Mamutu Trawele  
Ka bœ senuru, falajœ**


## Koɔrisene lahalal Ətuwale kənə : Ətuwale maraw ni Kolokani koɔrisenənaw bə ka“piriwatizasən”labən kojuman

Bokə temenen kənə an ye a jira Bawla ko Ətuwale cakebaarada sinsinnen don cikəkafo kənəntən de kan, minnu ye : Kangaba ; Bankumana, Dangasa ; Welesebugu ; Guwani ; Kati ; Kulukorə ; Sirakorəla ani Falaje ye. Nka, ka fara o cikəkafo kənəntən kan, Ətuwale ka mara bə boli mara kerənkərennen kelen were kan, n'o ye Kolokani “Kəridinasən” kerənkərennen ye. Nin bəko in kənə, an bəna o mara kunnafoni de di aw ma ka ben Mali koɔrisene taabolo labənbolo kuntilenna ma. I n'a fə aw ye a kalan jefə-jemukan kənə cogo min na, jemaa Məne Jalo ka fətaw kənə, Ətuwale cikəmara ni Fana cikəmara de bə taa jəgənfə Mali koɔrisene taabolo kura labənbolo kənə, n'a n k'o ma ko “Zonazi”. O bə Kolokani mara kerənkərennen fana de kofə, barisa bi bi in na, ale ye Ətuwale mara ləkika ye. I n'a fə Kolokani mara kerənkərennen kow labənnə ye a fə an ye cogo min, n'o ye Jibirili Jawara ye, yenkaw fana bə labən na ka “piriwatizasən” makənən a jemaa. Awa, jamana jemaa fana ni Ətuwale jemaa b'u seko bəe la walasa a ko bə jə sərə a jemaa yen fana, n'o bə tali ke Mali koɔrisene taabolo cikelaw ka nafa la.

### Kolokani mara kerənkərennen

Ka bi fələ, Kolokani ye labənbolo barikama sərə Mali kənə sənəko yiriwabaaraw taabolo kədara kənə. O de kanma, “Operasiyən arasidi” (OACV) jəddabə saban tun b'ale de bolo.

Awa, o cikəbaara kuntaala waati bəe kənə fana, Kolokani təgə jumman fəra Mali kənə ti-



*Kolokani ye cikəmara lakodonnen kərəba ye, koɔrisene ma to kəfə min kənəməgəw bolo.*

gasənə yiriwako la, Kayi cikəmara ni Kita cikəmara dafə. Awa, nafolo-jinisenefenw dafə fana (tiga; kəori ;...) Kolokani n'a jəyərəba don fana dunkafa sabatili feere siriyoṛəw don fana dunkafa sabatili feere siriyoṛə la Mali kənə. O b'a jira ko sumansəneyərəba don fana. K'a ta Jijeni, fo Tumanibugu ; Yarangabugu ; Cəribugu ; Masantola ; ka nə kuncə fo Yekebugu la, olu n'u jəgənna caman, sumansənə bə sen kan haali.

### Koɔriseneyərəw Kolokani “kəridinasən” kənə

Kolokani mara kerənkərennen koɔrisene taabolo bə boli kafo minnu kan, olu file : Kəjan ; Nosənbugu; Wolodo; Wolojədo; Cəribugu; Jalan; Fasa ; Nəkəna, ani Masantola. An k'a dən ko nin kafo kelen-kelen bəe n'a ka dugu tataw don jəgənfə.

O de b'a to, k'a ta Yekebugu, fo Kolokani kubeda mume la, koɔrisene labən b'o duguw bəe kənə.

### Koɔrisene taabolo bilali kenyərəye ka bolo kan, o bə cogo-

### di Kolokani

Hali bi an bə taa jə ni karaməgə Jibirili Jawara ka kunnafoni dilenw ye.

- koɔrisene feərebolo bə tali ke Kolokani marakafo kənə hake 3/4 jəgən de la. • Duguhake 171 de b'a kadara kənə.
- Koɔrisene donna Kolokani san 1995 waati de la. A daminenə Kəjan dugu kənə, Masantola.
- Koɔrisene lahalal bə boli Kolokani kubeda kərə kənə mume kan. Koɔrisene donni san fələ la, Kolokani koɔrisenənaw ka kəri sərəta hake taar'i jə təni 1000 jəgən na. Nka, o hake sankərətara ka t'a fe :
  - 2004 baarasan : təni 1500
  - 2005 baarasan : təni 1252 ni kilo 622
  - 2006 baarasan : təni 800 ka se təni 900 ma. O sənəkənə hake bə taa tari 700 de la.

### Piriwatizasən bə ka labən cogo-di Kolokani ?

I n'a fə a ko bə senna Mali koɔriseneyərə təw kənə cogo min na, koɔrisene taabolo labənbolo kura jəsigibaaraw bə senna Kolokani o cogo kelen na fana. O bə tali ke Koperatifuw ni “Iniyən kominali” sigili la sen kan. Ka se bi ma,

Koperatifu duuru de labənnə, ani “Iniyən komali” wolonwula (Nosənbugu; Giwoyo, Nənkən; Wolodo; Cəribugu; Kolokani ani Masantola).

### Kəri sannifeere taabolo Kolokani

Kabi san 2004, Kolokani mara kerənkərennen sannifeere bə ke koɔrisenənaw yərə ka labənbolow fe. Kolokani kəri peselenw bə lase

*A tə bə jə 8nan kan*

## An ka segin yereya la



*Kabi Mali ka yermahoronya tara,  
fasobaara ma ke bolokofefen ye  
Malidenw bolo*

**N**i malidenw ka wasakoba ba-daabadaa fota be san 1960 setanburukalo tile 22 janjonba la, o ye yereya tigitigi ye, Mali jamana ka yermahoronye tali ye min hakilina n'a kewale, an'a sawura don maliden kelen kelen bee ka dijenatige la. O yere de kanma jamana ka yermahoronye te sabati netaabaa-raw waleyali ko. Awa, Maliden cema n'a musoma bee dakawuli kallikan tun ye "maliko in te ke ne ko!"

O siratege de la, an ka jamana nemogow, peresidan Modibo Keyita n'a ka minisiriw, ma fen bila wulkajé banbaliw je Mali joli baaraw waleyali la jini kadara kono. San saba doren Mali ka yermahoronya soren kó, an ka jamana togola pankurun tun be k'an ni dije jamana tew don njogonna ka ban. Fen min ye jikankurun ye, san 1965 y'a soro an ka jikankurunba fila tun be ka Mali joliba temesira duguw damakene ka ban, Bamako ; Segu ; Meti fo Gwo. O jikankurunw tun ye Zentrali Sumare jikankurun ye, ani Kanku Musa togola jikankurun. Fen min ye sirabakan-taamabolifew ye, "SOTRAMU" karibaw tun be Bamako kinw ani Mali

jamana kono duguw jama ka

nogonlasore sira be don o don. Jama baarayorow wa ? O iziniw na cakedaba werew jensennen tun be an ka jamana fan bee fe. Awa, fen bee bayelema izini tun b'a n bara yan : Sikarati dilanyoro; takaladi-lanyoro ; siman dilanyoro ; arajo dilanyoro ; jiriden ani tamati jiboyoro ... fen min ye negesira ye, don o don "Kita terennin" tun be kita ni Bamako nunjuru don njogon na. Negesira kelen in yere fana tun be a temeduguw bee konojama lawasa taama siratege la, fo Bamako; fo kulukoro; fo Mahina ni Kayi; fo Dakaro yere, hali ni Senegali ni Mali ka farajogonkan tonba (federalon di Mali) cili ye dankari Dakaro lasoreli la san danmado kono ! san 1960 la, Maliden jagalikoba tun ye a ka Malidenya ye. Awa, an ka jaaraw, Moggontafe Sako ; Bubakari Trawele ko "kari-kari" ; Koni Kumare ; Jeli Baba Siseko, n'u njognaw tun be naga fara naga kan o siratege la. Aa ! Fasojobusu tun be maliden kono dere. Awa, faso jobaara fana tun be sen kan ne bee ma. Tipe don, yereya ko tun be maliden la dere ! Mali togo de tun be fo Afrika jana jamanaw misaliya la dije fan bee fe ! O waati la, hali ni sanu tun ban ka dugukolo kono, a tun ma nafa be i ko bi dere. O waati, hali ni koori tun ca be ke an ka jamana kono, a ka dondala tun ma sabati i ko bi ; O waati la, hali ni kalansobaw ni kalanso misenw, ani degoterosobaw jora Mali fan bee fe, maa kalannenw hake tun man ca i ko bi. Mun na, bi, an ka ko kelen be sanga ni waati bee "bika-gelen" ye, ka soro, kunu an tun be se an yere koro a nema ? jaabi kelenpe. Faso kanu dalafoli de ka ca sisani, ka soro faso kanubaanci hake te bere ye ! An ka ke faso fe, ka kan yere fe, ka tanga don an ka yereya la. N'o kera an ka netaa be sabati !

Tumani Yalam Sidibe

## U ko...

Anw sorodasiw b'a n ka farajogonkankan di i ma bi 1967 zo-wuyekalo tile 20 fana, peresidan Modibo Keyita, k'an be ko bee ke walasa Mali ka jamafanga in, no ye «sosialisim» ye, ka yeelen soro dije fan bee fe, dawula kono, in'a fo a tun be cogo min na Sun-jata ni Kangu Musa tilew la !

**Koloneli Seku Trawele  
Mali sorodasiw nemaaba  
San 1964 fo san 1968.**

Aw ka kandi lakuruya in ba jina ko aw Mali sorodasiw, jalatigibaw ; kapiteniw ; kaporaliv ; ko aw fana joyoreba be Mali jamana ka netaabaa raw karabali la "Union Sudanesi RDA" pariti kadara kono. O ban misendiya, barisa aw fano ye Mali jamana kokolo kolomaba do ye !

**Peresidan Modibo Keyita  
Mali jamana peresidan, san  
1960 fo san 1968.**

An bena pariti politiki min sigi sen kan, no ye "UDPM" ye, o be jama de kofo, a te maa kelen kofo. Pariti politiki kelen ? awon ! Maa kelen Ayi ! Dan te faso de la, barisa ale ye baaabadaa ye. N'ka, dan be moga la, barisa ale be sa walima ka dese !

**Yetinan Baba Jara !  
San 1972 arajola jemukan.**

Nin ko in bee be fen kelen de no fe dere ! Mali jamana ka baa daa baa daa netaabaa tayeelen menen. Maliko de ye faso-kelen ko ye, faso jamana siya bee josen be min ka netaabaa raw waleyali la.

**Dosolo Trawele  
Kolokani depite ni Mali  
jagokelaw ka bonba nema  
1949 fo san 1968.**

Fen min mana wulu siran kungo kono, o ka kan ka wulukayaalala siran de !

**Karamogo Mamadu Dunbiya  
Wajulikela (Bamako)**

# Afriki ladala-furabølaw tøgoladonba

**A**lamisadon, san 2006 utikalo Atile 31 tun ye donba ye Afriki jamaw kono, ka dà kan, san o san utikalo tile 31 de bilalen be an ka ladala-furabølaw tøgo la. I n'a fo Sinuwa jamana cedankelen, n'o ye Mawo Ce Tungi ye, y'a jira a ka jemukan dø senfe san 1964 cogo min, "Jamana ka jetaa be sabati senyerékørø taabolo bee matarafali de kan. Nka, senyerékørø taabolo

nafile Kulibali delila kà fo n ye ko : Karamøgo, "Njala" ma bana da a kelefura kò. N'i m'i ka bana kelefura sørø, i ma se a jini-dankan de la "! Banaw suguya ka ca, i n'a fo : Sayi, kumbabin, kònòdimi, kenkònòbana, surøfenw taabolo banaw, mugu, kolodimi suguyaw, sida, søgøsøgø, kunnabanaw ni kònònabanaw, ni sennabanaw, fo ka se farisogo ani farikololabanaw ma". Awa, fura be

yen. Olu ka musakaw ye fæn bærebennen ye ka ben jatehakeda ma. An ka ladala-furabøla caman dun kelen be miliyon minenaw de ye sisani ka sørø dalasi kelen, se kelen, walima woro kunba kelen tun bæn benbaw ka jirifura ni u dajikili-siw nafa lase an ma !

A ka fisa bi an ka ladala-furakébølaw ka jekuluw mægøw ka jøgønyew ke walasa ka dansigiw ke furaw sørøli n'u labaarali musakaw la, ka ben musaka jate hakew ma, ka da ko temesiraw kan. Awa, o ka ke kelen ye jamana fan bee fe.


An tøna se ka nin sen in kene kunce, ka sørø an ma waleju-mandønfoli lase Npesoba, Namabugu ni Yarangabugu, ni Korola ani Jitimu ladala-furabølaw ma. Foli in be jøsin an ka jamana kono ladala-furabøla ladiriw bee ma, olu minnu kelen-kelen bee be baara ke ni nin hakili ye : "An kana ke tiga toliw ye Mali ladala-furabølaw ka kulu kono, k'o tiga juman bee tijøe an baga fe !

Nka an ka nin to an hakili la fana koyi : "An k'an janto an yere la farikolo kenéya siratege la, n'a n farikolo labaarali ye galabudon kada kono : farikolojenaje ; dumuni na fama n'a hakemadun, denmisew køløsili kenéya taasira bee kono. Fen min ye yaalayaalafuratigiw ye, an k'an kón olu ma, ani ka dunfen juguw, i n'a fo bøgønin, dølø, sira... kén ka bø an ka kanufenw la. Mun na an te datu ni sunbala jøyøro køro di u ma. A file, u ka timi ni najinin ye, awa, u te tansøn bila an na fana i n'a fo bi najinin-duntile in ye tansønbanatigi caya an ka jamana kono cogo min !

**Ni fura be bana bee la, an koni k'a døn fana ko bana bee n'a fura temesira don de : yøretanga, yørekunkøløsi, faribøjøgønna; fura tigi-titi matarafali.** Awa dijøe bana bee furaw file aw køro. Hali ni sabali-dugu-te, an k'a døn ko : mennsila dugu be dere !

**Tumani Yalam Sidibe**

Nowanburukalo san 2006



*I n'a fo Burama Bagayoko, ladala-furabølaw be banabaato caman jigi fa Mali kono*

siraw n'u ka caya fana, u be kulu duuru de kono : kalan, lakana, farikolo ni nin ani hakili kenéya, dunkafa ani dañøgonma dijøe jetaa-jamaw sere la ». N'a n ye Mawo Ce Tungi ka jemukan in lajs, an be t'a sørø ko jaa-jaa køfedøgøtøro sira børa cogo o cogo, jamanadenw ka kenéya lakika te finøda tigitigi sørø u yerew ka ladala-furaw n'u sidønna tigitigiw kò. « Bee dønbaga de b'i farilako baasicogo døn dere ! ». Jiriw b'a n bara yan, sogo-fura nafamaw b'a n bara yan, ka fara daji barikamaw kan, minnu labaaraacogo a jøma, sinsinnen be an farikololabanaw gundo gelenw kan. A kafisa an ma an ka tanga da an ka ladala-furabøla ladiriw kan sanga ni waati bee, ka sørø an ma døgøtørfuraw fana ke bolokøføfenw ye. An ka dà la k'u bee ni u sekø-bana furaketa telinw don. O yere de kanma, n hakili b'a la ko Namabugukaw ka Ba-

ninnu bee la, walima tubabu døgøtøro kunda, walima ladala-furabøla kunda ; walima yøretanga kunda yere. An kana jøn bana na, barisa bana bee kelecogo jugu ye kasaara ye an ka balo ma. An kana jøn fura suguya la, barisa dø sekø ye dø døsekø ye waati bee. An kana jøn mægø la, barisa tuma bee mægønin ni mægøba de be jøgøn jøyøro mafalen ka da døntaw bolo kan.

## Fijnen juguba

An ka tanga da an ka ladala-furabøla ladiriw kan. Nka, an k'a døn fana ko ni tigakisebøre fara, a kònøfen sijugu nø b'a si juman dun goya dere ! O de kanma, Jekabaara kalanbaga dø delila k'a fo n ye ko : an ma tige an ka ladala-furabølaw ka sekow la dere. Nka, kabi a ko « arajolakumalaw » cayara, an y'a døn ko kise te jaba la », a caman ka bolo kan. O yere køfe, bi, i ka taa døgøtøreso la ka t'i ka ko jøjnini

**Jé 5nan tə**

CMDT izini saba de la : Bamako ; Fana ani Welesebugu. Kœri wari bë sara ka ben izini kilo hake dilen de ma.

**Kunnafoñi nafamaba !**

Aa k'a dən ko kœrisengə dafawari kilo dərōmə-kelen-di min kera 2005/2006 baarasan kadara kœnə, Kolokani kœrisenewaw ye sefawaari miliyən wœrə ni dərōmə ba bi wœrə (6. 060 000) de sœrə k'o rœtila u ni jœgən ce !

Fen min ye cikelaw sendonni ye CMDT tigiya jœkulu la,

kœrisenewaw benna a kan k'u ka 2006/2007 baarasan sœngə dafawari kilo dərōmə 1 ka bila cikelaw ninyœrə wari sarata kadara kœnə ! **Kolokani bë kœri kalite jumanba cike !**

Fo ka se bi ma, kœri sidønna jœnaw ka fə la, Ùtuwale kœri kalite jumanba bë cike Kolokani de. Saramaya yere kadara kœnə, a bë sœrə Mali kœri kalite jumanba yere bë bə Kolokani de. O kœrə ye ko Kolokani bë kœri kalite jumanba cikejœrəw sere la. O kuma sinsin misali ye sefawari dərōmə

miliyən 3 ni ba 100 dili ye Kœjan-kaw ma ladiyalifen ye. O wari jœ ma di. Nk'a dira sœnenafafenw de la (tubabunœgə ; fenjenamafagan ; binfagal). I n'a fə Mali kœrisene taabolo marayœrə tœw bœe, a ko bilali kœnyereye ka bolo kan, o laben bë senna a jœma Ùtuwale ka Kolokani mara kerkenkerennen kœnə maraw fana bolo.

**Tumani Yalam Sidibe**  
(Nin baara in kera Dirisa  
Kulibali ka biro kœnə  
Ùtuwale jœmaaso la Bamako.  
An ni Jibirili Jawara  
ka baara don)

## Mali kœribara taabolo bilali kœnyereyew ka bolo kan, o baara bë senna



**Mene Jalo**

**S**an 2006 utikalo kœnə, lajeba kera Bamakœ lajesoba la, n'o ye "Pale-de-kongere" kœrə ye. O laje tun be don baara boloda kadara kœnə, min bë jœsin Mali kœribara taabolo bilali ma kœnyereyew ka bolo kan, san 2008.

Walasa ka kunnafoñi jœnjœn lasetaw sœrə Mali kœrisenewaw kanma, an sera Mali cikelaw ka soba la n'o ye «APCAM» ye. Yen, an bisimilabaga kera kœrisenewaw ka sendika «Siwaki» jœmaaba Mene Jalo ye. Nâle fana de ye Mali kœrisenewaw

ka gurupuman jœmaa dankan ye. An ni Mene Jalo ka jœgonye kera an bolen kœ "AOPP" la, n'o fana ye Mali seneklaw ka jigya-jekuluba ye.

**Awa, an ka Mene Jalo lamen**

Walasa Mali kœribara bilali bë ke kœnyereye ka bolo kan, ladiriya ani wasa kœnə, ka jœsin Mali kœrisenewaw ma, CMDT ni Ùtuwale kafora, ka tila marakene naani ye, n'an kœlu ma ko "Zonazi". O marakene ye ninnu ye :

- Sikaso ni Buguni
- Kucala ni San
- Fana ni Ùtuwale
- Kita

Awa, fen min ye CMDT tigiya tabaga sœrew ye, baara taabolo temesira jœdœnbaga, "Kœnsilitan", y'a jira ko kœrisenewaw ka manankun sœrœta CMDT tigiya musakaw la, kœ bœ ta hake 10 % fo 15 % fo ka hake de ma. Nka, cikelaw ka lajini kera kœlu ninyœrə ka se hake 30 % de la Mali kœribara tigiya manankun nafolo bœta la.

O kera kuma-minjœgœnna taasira kœlu girin ye, barisa, «Kœnsilitan» ye cikelaw jœninka kœlu bœna se k'u ninyœrə wari sarata sara cogo

di CMDT manankunko la ?

Walasa k'o jœninkali jaabi, seneklaw y'a jira ko sœrocogo laki-ka saba de b'o la : olu ye :

- 1 : "Awew" ka sugulawari.

O bœ bœ "Awe" kelen kelen bœ ka sugulawari la ka don manankun na-folo dafœ.

Kœnsilitan y'a jira ko mine te se ka ke o la, ka da sugu kœnə baaraw yœkelemacogo kan.

- 2 : Bilankœrœwari, n'o hake bë se sefawari miliyari 5 la bi (5 000 000 000).

Kœnsilitan ma dijœ n'o fana ye, ka masœrœ bilakun bœrebœre b'o bilankœrœ wari la. Ale ye jukœrœmadon-nafolo ye ka kœri sansœngœ basigia da la, ni gœleya kera sœrefen ye kœrisuguw kœnə.

- 3 : Cikelaw y'a jira ko olu bœ se ka dijœ dœrœmœ kelen kœ kœri kilo dœrœmœ 32 la, kœ don manankun sa-rali dafœ.

O la, ni kœri sanna kilo dœrœmœ 33 la, dœrœmœ 32 bœ sara kœrisenewaw ye, ka dœrœmœ 1 don manankun dafœ.

N'i y'a jatemine, o dœrœmœ 1 kilo

**A tœ bœ je 9nan kan**

**Jz 8 nan to**

la, o nafolo hake be t'i jo sefawari miliyari 3 de la !

Ni cikelaw ka hake sarata dun temena o miliyari 3 sora hake kan, kékandémebagaw be se ka bolomafara di k'o wari hake lase manankun wari sarata hake kundama ma. O démebagaw ye Mali köribaara taabolo démebagaw ye ka b'o dijé fan bee fe. Ni démebagaw dun ka déme nafolo ma dafali ke manankun wariko la, a dafa be b'o cikelaw yere ka labenbolow kun.


**Senekelaw hakilina be cogo di ?**

Halibi, Mene Jalo ka fo la, Mali köribaara taabolo bilali kenyereye ka bolo kan, o ko be mögö siran. N'an ye misali ta jamana werew ka köribaaraw taabolo bilali temesiraw kan kenyereye ka bolo kan, i n'a fo Kédewari ni Benen, «piriwatizazöko» da ma diya olu la. O jamanaw bee dun ye gejidafe-jamanaw ye ani jiriden nafabó jamanaw.

Anw dun bara Mali kónyan, nafolo sörfen kolo girin kelenpe min be senekelaw bolo, o ye körri de ye. Awa, an ka jetaafeere sirilen don ale de la. Hali n'a ma je k'o baarada bëna bila kenyereye ka bolo kan, o ka kan ka ke laben kolo girin kón, min be körisene to jeda barikamaya la waati jan kón, Mali goferenama n'a körisenenaw ka nafa kanma. O de kanma Mali goferenama y'a jira, peresidan Amadu Tumani Ture ka lajnini kadara kón, ko wale bee bëna sigi sen kan walasa laben berebere ka ke ka Mali köribaara bilali laben kojuma kenyereye ka bolo, min be janto ke körisenenaw ka nafa la, ani körisene ka mënsila an ka jamana kón. O yere de kanma, «piriwatizazö» in min tun bolodara ka ben san 2005 ma, o waati bora dëgo körre ka se san 2008 ma !

**Ko si galeyantan te !**

Bi bi in na, a jirala ko koperatifuw



*Mali körisenenaw fana sen be don CMDT tigiyá jekulukó la !*

de ka "Awew" nonabila. Ka d'a kan koperatifu be sigi sariya de kan, awa, sariya ka lakodonseben de fana b'a la. O ye ko sebe ye ! "Iniyon kominali" de b'o koperatifuw sigi körisenedaw kón.

Nka, u t'a lajini sendikaw mögö ka ye koperatifuw sigikenew kan. O de ye ko baasimayoré ye. Cikelaw ka lafasajekuluw, n'lu y'u ka sendikaw ye, olu de be cikelaw kunkankow kalama k'a teme mögö tew bee kan. K'a fo k'o sendika mögö yeli te wajibiyá cikelaw ka jetaa lajini jekuluw sigili kene kan, o ko be mögö kamanagan ! O ye ko ye min bëna hali ni jamanakuntigi ka lajini waleyabaliya ye. «Mögö te so o so kón, i te se k'o so kónfen dòn a jema de !

**Senekelaw ka tònø lahalya**

Salon, körri sanna 32 da la. Awa, a jirala fana ko ni tònø sörela körri kékkanfeere la, o tònø be tila CMDT ni körisenenaw ce ni cogo la :

CMDT ka sörta hake : 40 %

Senekelaw ka sörta hake : 60 %.

O siratgege la, tònø min tilara körisenenaw ce, o taara i jo sefawari miliyari 5 la (5 000 000 000). O beben körri sannen kilo hake kelen bee dörème 1 ani tama 4 de ma. Benker'a kan ko ka dörème 1 sara köriftigi bee ye kilo kan, ani ka tama naa-

ni hake bila bilankörkesu kón. Ola, wari sarata cikelaw ye körisongé dafa ye, o taar'i jo sefawari miliyari 2 ani miliyon 600 de la. O warilabosében de taara di peresidan Amadu Tumani Ture fe Mali cikelaw ka soba "APCAM" jema Bakari Togola ma Kumantu.

Cikelaw yere ka fo la, maa si ka lajini te maga ka ke bilanköréwari in na joona, ka da sugukönögelyaw kan. Awa, walasa bilanköré wari in be bugun, cikelaw benn'a kan fana ko san fila nata tònø tilata wari bëna tila a këpsa kan cikelaw ni bilankörkesu ni jøgøn ce, n'o ye hake 50 % - 50 % ye !

**Labénw**

Walasa baara in ka ke a jebere kón, a jirala ko körri sòngé ni angere sòngé be ke da kelen ye Mali köriseneyoré bee la.

O yere de kanma, "Zonazi" kada-ra kón, Òtuwale ni Fana cikemara be ta jøgøn fe. Nin jininkali kunnafoniw sörela an fe ka b'o Mene Jalo yoré, n'a le ye körisenenaw sendika "Siwaki" jemaaba ye ani Mali körisenenaw ka gurupuman (GC.M) jema dankan.

**Tuamni Yalam Sidibe**

# Afriki ntolatōnw ka sərəli dijə-ntolatan-kupuba (kupudi-di-məndi) kənəw kan

Afriki ntolatantən fələ min yera Akupu-di-məndi kene kan, o kera Eziputi (Misira jamana) tən de ye san 1934. O ntolatanw kera Itali jamana kənə. Afriki ntolatantən cəbə fələ min ye nəfela sərə kupu-di-məndi kene kan, o kera Tinizi ye. Ale ye Mekisiki dasi kuru 3 ni 1. O kera Arizantini jamana kənə. San 1986, Mekisiki kupu-di-məndi kene kan, Marəku ye wuliko fələw sen latemə. San 1990, Kameruni fana y'o nəgən ke Itali jamana kənə. San 2002, Kore ni Japən jamanaw jara kə kupu-di-məndi min labən, Senegali cedenw ni Kameruni cedenw ye ŋa-seegin ninkene (kari-de-finali) lasərə. Nən y'o kupu-di-məndi sanga san 2006 kupu-di-məndi taw ma, Afriki cəbəw ka lahalako la, an b'a fo k'u ma berenin si ke k'o sabatu ke tənw kənə, gelyaw ye, i n'a fo "baarasarako", an'u ka labənbalıya, fo ka se u n'u ka degekaraməgəw casiraw gelya ma. (Nin fəlen bəs misali jənjən ye Togo jamana cedenw ye, hali n'a fan dəw bə se kədəwari ətolatantən fana ma...)

San 2006 kupu-di-məndi kene kan, tijə don, Afriki cəbətənw y'u jeniyərə fin a nəma : Angola, Togo, Kədəwari, Gana ani Tinizu. Nk'an bə se k'a fo k'u bəra u kanubagaw jigi kərə, ka d'a kan u si ma se ka wuliko fələw latemə. N'an dun ye jatemine ke tənw kelen-kelenna bəs ka kupu-di-məndi, san 2006 taali, kene lasərəli galabu la, an bə se k'a fo ko hali ni məgəw sigilen tun tə se ka ke ni kupu in yalonni ye Afriki tən ye də fe, u kanubaga fanba kəni tun sigilen bə n'a ye, ku na temə, k'a də la kelen tun na temə Sene-



*Bi, Afriki ntolatan cəden ŋanaw fana togo be fo dijə fan bəs*

gali danyərə kan san 2002, n'o ye ŋana seegin ninkene ye, ka ŋana-naani-ninkene (demi-finali) lasərə. O ma ke. Tijə don, tən fila ye kene-kan-wulikajəbaw ke, minnu ye Angola ni Kədəwari tənw ye, nka u disi ma se ka dijə ntolatantən ŋana təw disi fere bə dərə. Tinizi ni Gana, n'olu ta kera "an fana yera kene kan" ye, i k'a dən ko Togo tən kənə bənbaliyakow ka kene-kan-jensen ye ntolatan kanubaga caman dusukasi haali Afriki kənə.

## San 2010 kupu-di-məndi bə gosi Afriki gun kan

San 2006 kupu-di-məndi tiimena. Awa, san 2010 ta de bolo-dali bə sen na. O keyərə yere kofəra dijə ntolatanko tənba fe ka ban, nə ye «FIFA» ye. San 2010 kupu-di-məndi tanniw bə ke Afriki-di-Sidi. O ye taareko ye, barisa a ko nesinna Afriki gun fana ma sa, ka bi a daminenə. Nka, sanni san 2010 kupu-di-məndi ce, Afriki ni dijə ntolatan kanubagaw bə nənajə ni san 2008 kupu-dafiriki

ntolatanw ye fələ, olu minnu bolo-dara ka ban k'u keyərə ben Gana jamana ma. Ninkali gelən bə temə sira min fe o ko la sa, o de ye k'a dən yali Mali cedenw bəna ye san 2008 Gana jamana Afriki tən ŋanabenkene kan wa ? I komi o kenew lasərəli ntolatan fələw bə sen na ka ban jamanaw ntolatantənw ni nəgən ce, Mali ni Saralən cedenw yere kəgə dara nəgən na san 2006 sentanburukalo tile 3, karidon o kadara kənə. O min kuncera filaninbin kan kuru 0 ni kuru 0 ye, bəko nataw kənə, an bəna temə ni kunnafoni təw ye o si-ratege la.

**Balannakunnafonı :** An y'a men Faransi arajoso "RFI" fe ko Əs-trali jamana fana y'a kan bə ko ni Afriki di Sidi kera desəbaga ye san 2010 kupu di məndi labənni na, k'ale labənnen don a kanma !

**Nin baara in kera Bubakari jakite "Sari" ni Tumani Yalam Sidibe fe**

*Manden Tari Kue*  
(boko temenen ts)



## Yaniya juguya ma ni

**N**in ye tijé lakika maana ye, min lasera an ma karamogó Mamadu Kulibali fë, n'o ye silameya diine dënnikelaba ye Niamakoré kin na Bamako. Nsiirin tijekuma in kóni b'a sementiya an ma, k'an ka dënkilidalaw te foyi fo ni tijé te, n'u ko ko : "Numan sara be Ala bolo, juguman sara be Ala fana bolo, nka yaniya jugu sara be a yere bolo !"

Nin kéra Mali mara dë kafo tøgë dënnenba dë kóno. Bi la ko yere don, barisa a kéra Mali ka yéremahorénya talen kó ni san caman ye. Dë ka ntura belebele tun be kele-nayaala la sokungo kóno, dumuni jini na. Hasidike in bëra o kan. A y'i kófile, k'i jéfile, a ma moggó ye. A ko ko : "Fo ne ka nin nturatigi in bëno a ka ntura belebele in na de ! Anw tòw be ségen na kán dahirime jini, ale yere falen de b'a ka ntura bila kéné kan ka waso moggó la !" Hasidike in y'a ka murujan bë i kórë ka nturaba in dësé tige, k'a firi disi kan. Hasidike taara ka ntura to a ka dimi manumako la ten. Moggó wëre de bëra ntura in dëselen kan wula kóno, min tun be misitigi in dë haali. O y'i senfa ka nturatigi ségeré. Kunnaconi dara nturatigi tulo kan dörën, o m'a ni sigi kë kelen ye. A ye wotoro ta ka t'a ka ntura ta ka na. A taara a kunnaconi da a silamejégoñw tulo kan misiri la. Dëw ko k'a ka ntura in latéme wayew ma, olu k'a ténemasegin. A ko k'ale t'a ka misi warri mine je si ma. K'u ka misi in

faga k'a sogo rötilla gatigiw ni jégoñ ce ! O kunnaconi jensennen ka se misitigi in diinékéjégoñ dëma, o ye sefawari ba 70 (ba bi wolonwula) ci ka na a ma k'a ka ntura fila san k'olu ke k'a ka ntura néröbila.

Tilew temena, ka kunjégoñw fana teme. Nka don dë la, i komi dibawaati tun don, ce dë wulila fitiri waati kofé, k'a kun dà ka jénu kan. A selen jénuudajiri kórë, a ye ta don a ka jénsen na ka yelen n'o ye. A y'a ka jénu dayelen. jénu tun jénamayalen don kosebë di la, o koson didenw fana tun ye a labo. Ka jénsen tasuma to a bolo, didenw kóni ye ce kéne dëre ! Ce bëra jiri sanfë o cogo de la ka bin duguma. Majumako dëre ! Ce binyorë taara-ben gungurunkanna de ma. O y'a woro kari kawu, fo ka kolo ke ka woro bu fara k'a nun bila kéné kan. Ce tora o dimitoya dalen o cogo de la jénuudajiri senkórë, ka su kufolow ban ; ka don su kun filanan kóno, k'o fana ban, ka don su kun sabanan na, ka waati jan sérë o fana na. O waati de la, a jinibagaw bëra a kan, k'a madoni wotoro kóno ka so ségeré. U bë se yen waati min, o y'a sérë kumu donna ce woro karilen na ka ban, fo kumu jugu. Dugu jélen, a somogow ye kolotugunna tøgë bolenbaw ségeré. Kalo kelen, bëe y'i ta ke. Si ta ma kuru tige, fo n'c'ain y'a ko juguya. Nége tigedaga fanda ye ! Ce ka moggow labai i ka Kati dögötörösé ségeré. Ye dögötörösé kelen ka ce

ye, olu ko ko nin ko in kóni te dälakuru ce sen fila tigeli k'a woroju la. N'b yere ko temena a nin taabali kan dëre ! O yorë de la, ce y'i to o saya ni balo ce dilan kan, k'a fô a kérésigiw ye k'u ka t'a fô nturatigi ye u ka dugu la ko «fo n'o yafara ale ma de ! K'ale de y'o ka ntura belebele dësé tige !» A kéra lebu fila ye ce kan. A lagosira a ka jéngoya kan, awa a ma je a ka wulukolon saya k'o lagosi bana dilan kan. Ale kofé, lebu sabanan cookora a somogow kan, barisa hali a denw ma kumada sérë belen cékénaw kan. N'u k'u bë kuma, bëe k'u ma ko «e jéngoden fana be fofafoyorë sérë an ce la yan wa ?»

Jaa ! Tijekumaw don dëre : «N'i ye haké mëennéye, a taalen be bere kéné jinivorë. Nka te to nabali ye ! Yaniyajugu sara be a yere bolo !

Dijé ka di dëre. Ni bëe y'i yere k'a yere ye, dijé ka di !

**Tumani Yalam Sidibe**

### Jekabaara

Labolikuntigé Sében jekulu kintigui  
Tumani Yalam Sidibe

Sében jekulu

Yusufu Fone

Bakari Sangare

Tumani Yalam Sidibe

Jégenw kebagé

Amadu Jakite

Jaw tabago

Haruna Trawéle

Labenbagé éridinateri la

Worokiyatu Së

Baarakéjégoñw

CMDTSNV - Ofisi Nizeri -

Ofisi iri - OHVN

Haké bëta : 16000

Batukisira : 2043

Négejurusira : 229 62 89

Jamana baarada - Seki zayedé tøgëla

sira - Hamudalayi kin - Bamako

Siti-Webu nimrë

[www.afribone.net.ml/jekabaara/](http://www.afribone.net.ml/jekabaara/)